

Элстән хяән бичг

Энъкр иньг, чамд,
Элвг седклән бичләв,
Элст балгъсн тал
Эн бичгән илгәләв.

„Балгъснтн ода уга,
Бяädлтн эндүрсн кевтят...“
Бичгим тиигдж тиизләд
Бийдм хярү илгәнә.

Арвн гурвн хаврт
Ардасм намаг хяәнә,
Балгъснас балгъс кедәд
Барнаул деер ирнә.

Тендәсн Новосибирск орад,
Тюменүр хаалгъ олна,
Олн газр эргәд
Омскд ирдг болна.

Дорд Алтан өөр
Дала хальмгудла харгъна,
Дулахн, Дордж, Делгрт
Дурна үгән күргнә...

Деед Советин Указ
Делкәд күрч дүүрв,
Батлтн, тосхтн, дуултн,
Байрта цаг делгрв.

Хальмг автономн танъгъчин
Хотл балгъсн болсн
Элст, Элст, Элст,
Энъкр мана балгъсн.

Алдр партин нилчяр
Ачлгдад келнә бидн:
— Тиим балгъсн бяәнә,
Түүнә нернь — Элст!

Элст балгъсн, 1957 джилин март сар.